

求聞過齋詩集

序

國朝兩舉博學宏詞科人才之盛極天下之選莫不高文典冊鼓吹琳明康熙戊午初次詞科擢吾邑彭羨門少宰爲第一人沈博絕麗之才當時推爲獨絕遭逢曠典士林豔稱之越道光甲申大考翰詹擢吾舅祖閣學公朱虹舫先生爲第一

廷試之卷

宣宗硃筆圈詩四聯溯自羨門少宰以來後先輝映又冠詞曹蓋際我

朝文運昌明卽一鄉一邑間往往閱數百年而一洩其精華之氣誠儒生之榮遇也已逮丙戌

殿試公從子給諫公朵山先生得一甲一名竹林濟美里黨尤侈爲美談公紫陽後裔生長詩禮之家玉堂清秘以文字結主

知而又性情眞摯雍容溫雅立朝風度儕輩傾心昔王僧達答  
顏延之詩云珪璋旣文府精理亦道心可以無愧矣咸豐中余  
供職京師每遇鄉先達及見公者皆謂公奉

命衡文輶車所到凡山川名勝風土人情莫不紀之以詩其他  
投贈之作館閣諸老猶能道之今讀其詩內而鳳閣鸞臺外而  
雨帆雲展其當日之寄託歌詠抒寫襟懷恍於心目間遇之惜  
公歸道山已六十餘年風流闡寂言之慨然同治甲戌冬余銜  
恤里居邑候王公叔雅屬輯縣志余以搜採遺事過上水邨訪  
公故里見玉水流璇源圓折古謂地靈人傑洵非虛語公所  
居光裕堂及映雪清娛書室悉遭粵匪兵燹僅存賜研齋德馨  
堂數楹蔓草荒煙頽垣欲墮徘徊慨慕者久之蓋其時公子定  
甫母舅方需次吳門尙無力修葺也今公從孫少虞觀察刊公

之詩文集郵寄都中屬爲序文余生也晚弗獲親承公之言論  
未采而習聞故老之傳述迄今披覽遺集猶慨然想見其爲人  
爰述平時景仰之意不敢以不文辭至公之學問行誼詳載於  
國史縣志家乘不復贅言是爲序

光緒十有九年歲次癸巳春日外姪孫徐用儀拜譏

求聞過齋詩集總目

卷一

古今體詩一百五首

卷二

古今體詩一百五十三首

卷三

古今體詩一百二首

卷四

古今體詩七十首

卷五

古今體詩八十三首

卷六

古今體詩五十六首

求聞過齋詩集卷一

海鹽 朱方增 虹舫

結客少年行

馬蹠迭圓缺陵谷移卑崇達人貴自立升沈無定容長安少年子吐氣如白虹胸吞雲夢澤筆參造化功細響斥瓦缶大聲鳴鐘鏞鸞棲必脩竹鳳翔須高桐蛾眉工買笑豈肯安長窮薄俗銅近習淺識無深衷但見金銀臺不知蓬萊宮獻策迂賈博棄繙狎終童霜寒敝裘黑夜迴孤檠紅仰天發長歎劍氣慘不雄

七夕詞

人生不離別不知相憶苦離恨流關山方惜歡期阻迢迢牛女星一載隔秋渚月落水橫橋露冷機投杼幽意驟相親渺若天涯聚一夕一秋心無數悲歡緒短聚長別離恩恩不成語回情

曙星明相思各天宇神仙尙如斯何況人世落葉飛秋庭寒  
衣急砧杵敲枕方高眠夢魂渺何處

鳳臺曲

一奏秦臺曲

鸞上翠微秋風人不見猶有鳳凰飛

漢武射蛟詞

腥風怒捲江潮赤雨血飛空落千尺敗鱗殘甲滿潯陽天吳夜  
舞魚龍泣

冶春曲

珠簾侵曉吹紅玉黃鸝並語闌干曲東風瘦盡倚樓人門外垂  
楊爲誰綠

楊柳折枝詞

西風飄帳雪飄飄十八哀笳聽不堪古戍荒寒春信遠楊花二

月夢江南

曼倩詞

執戟金門二十年歲星曾說大羅天如何只計侏儒粟不諫公孫海上船

俠客行

十年磨劍霜華老龍額功名戰場好蒼頭軍唱白銅鞮彎弧夜出橫門道

隋宮詞

東風一樹冷瓊花夕殿香消泣歲華眼見晉陽烽火急錦帆猶渡玉鉤斜

雨淋鈴曲

南內新聲教野狐上皇幽恨感嗁鳥傷心聽雨巴山後可憶樓

東一斛珠

長楊羽獵詞

羽林十五擁紅旌四野秋風筆策鳴不是君王好游獵邊才先  
校百蠻兵

戚姬怨

璫殿秋風冷碧苔舞衣零落楚歌哀君王自約關中法九死曾  
無療妒才

明妃曲

邊沙莽莽起黃雲馬上琵琶忍再聞祇有千秋青冢在更無人  
問李陵墳

鳳笙曲

小謫黃塵暮綠華瑤笙吹落鶯桃花碧城仙夢渾難醒空老銀

河白項鴉

石頭城歌

六代江山換劫灰  
白門寂寥暮潮回  
可憐多少長干柳  
猶恨東風燕子來

題畫

鏡潮吹綠上星衣  
春夢何憑款玉扉  
花雨一簾人不見  
碧闌干外鷓鴣飛

郭道人修真處訪菊用陸小巖賞菊韻二首

茅檐風景憶神仙  
紅葉紛披綠樹連  
三徑好花饒隱趣  
一聲唳鳥破孤禪  
清香祗合幽人賞  
瘦影難邀俗士憐  
彷彿柴桑尋勝境  
茶煙半榻倍翛然

半畝清閒舊菊坡  
撩人花氣索吟哦  
西風籬落秋容澹  
細雨園

林冷豔多初地芳菲憑點綴小春時節尙溫和茅庵遲日重經處試問霜枝賸幾何

登泰山

地拔五千丈山盤十八重碑殘秦帝字檢泐漢皇封河海等三天兒孫擁萬峰幾番經劫火何處問遺松

秦良玉屯兵處二首

即今四川營

一拜平臺詔當年石砫兵擒渠仙寺嶺破虜竹菌坪殺氣秋逾肅雄心夜獨盟祇今刁斗靜猶想舊營營

太息思陵日中原動戰爭將軍誰殺賊故壘獨屯兵國破全家沒時危一柱撐卽看青史上徧載貳臣名

楊忠愍公故宅四首

靖難稱師後凌夷二百春中興無令主內賊有權臣宗社悲危

卯河山感積薪不思征答禍英廟舊蒙塵

艱難謀國日涕淚上書辰浩氣凌河嶽危詞泣鬼神奇冤三載  
構大義五姦陳忠烈他時疏同看紀史臣

狄道諸番俗猶傳舊俗更如何天子聖不鑒小臣誠太息臨刑  
語倉皇伏闕情劇忍漢文帝請代許緹縈

延綏流寇起兵燹中原列后諸陵廢孤臣半壁存荒庭猶草  
色斷檻自苔痕今日瞻祠宇靈旗黯不翻

習射

扶桑弓挂天威警四海烽煙銷雉堞鐵甲初回隴右兵金鏃早  
奏淮西捷武臣脫劍敘邊功文士彎弧氣轉雄射虎敢矜飛將  
勇落雕還慕健兒風秋原草綠堋雲列狸步分量量一一相圃  
何人手解揚華林有客腰馭出分曹角勝度從容猛力休誇札

七重貫到盡心能自擅引來猿臂藝誰工盤空作勢干鈞舉石  
如附枝左如拒輪開滿月控烏號光閃奔星飛赤羽赤羽飛來  
萬人喝疊鼓鼙鼙鳴不歇畫鵠中穿一綫通懸熊深入三鑣沒  
數枝絡繹隨風遞後塵學步矜持細鏃影旋驚飲別竿鎗聲枉  
自鳴空際毫釐千里竟懸絕狼牙旁落麋筋裂巧拙眞從此日  
分合離還向平時決平時脫筈鋒銛利非將歲月供游戲澤宮  
自古育奇才盛世何嘗忘武備君不見宋家天子臨軒試羣臣  
挾矢彤廷侍妙技骨將玉帶旌殊恩更拜宮花賜

耕藉禮成恭紀二首

典重元辰

辛酉初  
望心官序  
切農書

續雇馬載安瀾後壞擊堯民播種餘已見登絲親

鳳輦更因

咨稽動

鑾輿占豐預紀靈臺史不藉周詩卜夢魚

駕殷若龍鵠啞噭農壇

齊肅祀靈祇百年久樂由庚世七載重諱吉亥期紅杏雨晴瞻  
蕉耜綠楊風暖曳青旗功開一塲栽培厚

惠澤釀敷萬彙滋

外舅孫貽雲先生以春草詩寄示卽和原韻二首

長水空懷舊里塘兩年江國阻尋芳春風南浦牽鶯恨雨夜西  
堂夢雁行嶺海煙濃浮瘴滿湖山日暖踏青忙回思鸚鵡洲邊  
景遠道緜緜惱客腸

燕郊春霽馬蹏迢十里香痕宿霧消遠水潑藍浮渡口亂峰送  
綠上山腰褰迷到處榮官道榮落何人問野橋生長瀛洲饒雨  
露秋風那復怨飄蕭

盤香二十韻

迷迭珍西域兜婆貢北蠻濃芬煎百味巧樣琢連環細細搏沈  
水重重擁博山雙輪旋蟻磨一髮引螺鬟宛轉蛛纏網玲瓏獸  
鬚銀煙浮螭蚪篆屑膩鷓鴣斑香閣三層外鑪峰九疊間火虬  
蟠曲折灰蚓撥紅殷勢繞羊腸曲形分鵲尾彎相思應爇草異  
味勝焚蘭幾縷縈賓館千盤購市闌然依仙案近懸傍佛鐙閒  
醞醑籠噴麝團圓鏡舞鶯流光孤月抱垂象五星圓恍逐圓儀  
運誰攜滿袖還盈筭圓玉髓拂座炷金顏輾側閨情結纏縣客  
緒關迴文紝寶鼎古字倣華鬘式愛楊毛肖名看葉譜刪年年

青瑣院書幌自薰班

陶雲怡比部移居兵馬司街詩以贈之

絲竹長竿放畫船瓊瑤麗句世爭傳人如李洞吟千首師有袁  
安紀一編太史高弟爲袁天郎官今列宿山中宰相昔神仙未曾  
藉卉燕臺地心折平原已十年

長安花發馬蹏驕回首江南路正迢珂佩曉鳴青瑣月關河夜  
夢白門潮九衢塵轍淹三載一代詩才殿六朝記得宣南坊外  
住春風樽酒慣相招

滿院椿陰護綠屏比鄰鵝鴨一年依陳蕃就辟紆華綬謂王竹  
曲銳應官拜繡衣舊壘已看鴻遠去新巢又見鶴高飛  
迎門童子應相識昔日連牆似我稀

園林別構足盤桓丁字簾垂亞字闌紅霧靄迷花幾樹綠雲濃

繞竹千竿鳥嚦細雨留賓榻鈴語斜陽送客鞍何日重開金谷會  
擘箋相與試麋丸

題翁宜泉師古輒冊

辭蝕苔封已百年良工遺製半荒煙自從拂拭春風座瀋碣曹  
碑姓其傳

投壺十六韻

戴氏篇存記張公器載圖疊雙槧玉矢尺二鑄金壺削竹傳新  
樣懸匏肖舊模驍名尊豹尾樂節重驕虞雅戲邀賓角閒情佐  
客娛聚精同射戟作勢類彎弧電掣銀標疾星飛鐵鏃殊合離  
爭杪忽巧拙辨須臾想像兵三捷裁量地九扶如鍼憑石引像  
水望江趨絡繹青莖積聯翩赤羽俱旁觀驚鼓掌當局笑撫鬚  
進退俄分序奇鈞忽異途羸籌純記一罰蓋注拌孤周瑣才原

少裴寬技絕無太平銷武事游藝效吾儒

花飛曲

東風滿地吹銀雲紅鵠穀穀嚦向人飛瓊下視笑塵海碧桃天上三千春仙杏纔紅桃自碧湘簾翠壓欄杆赤是處青招賣酒旗幾人蠟徧看花屐花落花開總惘然看花心事憶年年鋗車轉轂同流水銀炬彈灰過禁煙禁煙節過韶光促畫眉空抱花枝宿陌上歡貽玳瑁鞭筵前怨起箜篌曲

從軍曲

羽騎秋馳馬弩閒單于獵火照陰山六軍休灑胡笳淚蘇武新持使節還

題座師蔣壽園先生觀我圖遺照一百韻

并序

於辛酉歲受知師門知吾師由名諸生登翰苑轉侍

御擢卿貳四十餘年公暇卽博覽經史兼繹內典著述  
甚富不輕以示人增曾見手評少陵義山兩集楞嚴金剛二經又有守經堂時文選自隆萬迄國朝凡千有  
餘篇師天懷肫摯教人諄諄不倦增常隨侍左右日以講求實學屏絕浮華爲訓癸亥春師兆應騎箕感泣何  
極而爰亭前輩又招與同居情誼周至式瞻遺貌述德  
抒懷因題百韻

名臣河洛起重望斗山尊一代詩謨建千秋畫像存家聲隆許  
史世澤軟陰樊瑞氣同鸞見祥輝並鳳蹲華簪三葉姪健翮九  
霄鶴藻采鸞宮冠襟懷夢渚吞通儒推杜預師表仰徐爰攀驥  
情趨蹕此院師嘗掌教河南長葛書院風趣至騰蛟勢蟠婉妙說丹桂研班孟  
墨花噴史筆高詞苑封章卓諫垣廉隅凌矯峻骨峙嶺嶠立

法能除弊陳書不避怨滯途齊振拔捷徑少排恨趨競階梯經  
師官侍御時稽查舊太倉等力除積弊并奏請每科新進上添用內閣中書又奏禁督撫指名揀發人員俱詔可值巡羽衛屯譙張懲巨猾婉娩雪奇冤積案甚多師巡西城發烏府變朱博貢門擢李藩極相收豫賴杞梓集湘沅國器儲圭璧瓊姿萃瓊瑩鎖闈頻校謝京兆又遷袁惠政流

畿輔廉名達

陞闈愛才尤汲汲浮議任幡幡鵠遂摩空舉鯨看跋浪掀霓裳  
聽疊奏陳笠馮前輩未第時適其尊人至吏議或阻其應試師遺妾前輩貧其才弗爲浮議惑遂補博士弟子員後成進士其弟亦出師門聲譽帶錫連番朱瑟容臺樂黃彝尚食樽雲閣持鄭重

雪窖驗平反電燭懸明鏡風簫譜大管慈祥唐寶誕正直督劉  
歟師任大天降神山鷺人誇大海賜四禪通妙妙九列士庵庵理八年由翰苑歷

同鄉與師同籩  
崇階時論榮之鵠起家鳴盛

龍飛國紀元

覃恩宣

玉旨頒爵逮金昆花種河陽墅桑栽襄縣村

嘉慶元年介亭世兄以恩蔭授知

廣西北流縣事象賢重有譽集祐更無垠服總秦廷身班崇漢殿鵠皇

華膺

簡命星使出轎輶

北闕辭仙仗東溟耀彩霓郊關人乘節驛路馬垂鞬魯地文章  
敷尼山道德源六旬時雨化十郡士風惇禮攝春卿重工權水

部繁

九重資作礪

二月

詔還輶己未冬師以副都御史視學山西旋授少宗伯轉少司空兼榷錢法庚申春回京師抵任甫兩月而上鳳大振

今山左士旌旆旗亭迓笙歌祖道喧茅櫓勞惠問  
人猶稱之

輔座進昌言圜法誠王鍔帷謨運郭睿偏災雲起岷近輔水浮  
霆噭澤多鴻雁懸庭少特駟

宵衣塵撫恤夙駕懷嘆臣已溺眞憂勞民拯等救燔野塵頒菽  
粟

寢殿庇松楠原隰頻馳蹇泥塗宛跨健臣忠盟益恪

帝語獎逾溫辛酉夏京師被勞承命平耀并察看陵工紀績鐘銘景流膏井潤翟

聘歸平子楨

謂謀歸闢同年邦覲族楨事

緣合樂昌婚

師在籍時有同邑某聘妻未婚值歲歉欲

鬻爲人妾女聞痛不欲生師與其資留侍太夫人後某又欲鬻於富商師念某母老無孫以理諭之歸其女不取其值某亦悔悟

蕭相師酬鐸

謂厚聘介野園先生事

元公姪撫甯本根培葛藟同氣篤

籠墳足挽狂瀾倒能回寒谷暄仁聲同戚里清俸儉盤飧美饌  
輕紅膾嘉蔬愛綠苔濯冠風效晏炙輶說嗤髡守白常安默研

朱偶破煩吟篇搜藻府祕典繹泥洹密諦三乘闡奇文萬卷繙  
琳琅登一帙錦繡聚千純寶笈堪貽燕金鍼信度駕棗梁傳愈  
永桃李植彌蕃仙榜辛年啟人才甲觀掄持衡珊瑚海握鑑玉  
搜崑自愧藏如蠖何期化儻鯤賤蒙收瓦礫美獲培瑤琨竊附

嘗出所藏書籍命增披誦

珍膳向王孫講席親楊靈

詩籌課許渾瀛洲期騁步越水止歸輪

壬戌夏增欲乞假南歸師耽留之不令去小

草叨噓植康衢藉引援高深侔岳瀆覆載比乾坤兩度涼暄易

雙輪日月奔蛇驚占鄭識龜枉卜荆焞柱石

形墀折星辰碧落昏滿朝悲動色載路痛招魂誼況深盧植心  
尤戀孔璠恨逾秦隴鳥哀勝洞庭狹厚澤終生戴交情再世敦  
環銜猶抱憾廈庭復邀恩階卉依然吐欄花似舊翻山庭容莫

接几杖手空捫寂寥傷壇杳馨香薦潤繁典型欽獄獄渠誨溯  
嘵嘵延算無甘谷蠲愁乏合楣碑看題陸偉圖憶寫張萱林麓  
橫峰影陂塘蹙浪痕竹松圓掩映荷芰繞紛緼靜坐消閒晷澄  
觀證道根朗懷真浩浩天趣自沄沄景物思經帳音塵感總旛  
瞻依神慘愴展拜涕潺湲不盡西州慟拈毫誌弗譏

和陸桂舟移居原韻

頻年獨處似僧龕若椀香鑪趣自諳薄宦味同韋叔夏妙書神  
似褚河南人緣落拓情俱暢境到安閒夢亦甘聞說板輿來  
北闕好供蘭膳學蘇耽

從此浮蹤異旅鴻一家歡聚鳳城中黛痕京兆描新月詩格平  
原溯舊風故里音書曾渺渺畫堂笑語自融融遙知越水椿枝  
健兩字平安兩地同時尊甫留廣文任未赴都

槐廳雜詠六首

登瀛門

聖祖龍飛玉署開  
憲龍佳氣繞蓬萊

兩朝仙仗排雲入  
一代文人接踵來

清祕堂

嘉名肇錫記

高皇

宸翰親揮倬漢章  
一自春風排玉案  
滿堂時馥

御鑪香

敬一亭

雕甍畫檻鎖罘罳  
中有賡颺百首詩  
記取十行寬大  
詔殘碑留得舊箴詞

劉井

萬斛新泉汲曉風，轆轤遷轉玉堂東。  
瀛洲真有神仙井，休向江南問葛翁。

柯亭

先皇御筆留新詠，學士高風繼舊蹤。  
三百餘年貽澤遠，兩行古柏綠陰濃。

鳳池

螭吻噴流一鑑開，中央仙闕湧亭臺。

玉宸昨歲頒

新詔添起

恩波萬斛來

雨聲

溼雲如墨黯長空，颯颯隨風撲畫櫳。一夜小樓人夢後，萬家春  
樹鳥鳴中。停琴山寺看飛瀑，載酒江亭聽打篷。恰喜西南兵乍  
洗，鳴鏞聲裏捷旗紅。

甲子春

聖駕幸翰林院

方增仰預

恩賚恭紀

法駕歸晨出槐廳紀巨觀蓬萊

仙仗入

朱殿

御煙攢

日角欣同仰

天顏許近看，整衣環七校。屏氣肅干官，霞履霓裳集。瓊樓玉宇

寒臣衷方勵素

宸翰早垂丹，纓星雲牋便蕃。

雨露溥韻綏賡院體

恩旋荷掌銳興邁魚頭宴芳盛馬腦盤山淵裨益切日月繪谷  
難賦集三膺盛增集文苑英華集賦蔡進吟慚一字安淋漓愧稼筆優渥逮

輕翰筈啟文繪燦詩

頌杜律完硯涵新鵠眼茶碾小龍團

太液波真闊柯亭墨未乾誌應卑李筆圖欲寫胡寬滿置雙絲  
絡齊擎七寶鞍歸陳珍粲粲拜振佩珊瑚

釀賞詞曹徧

殊榮舉室歡寸心何報稱敢以論思殫

甲子夏聞江浙被水成災感賦三首

淫雨逾三月滄流困一鄉關山愁隔絕魂夢起彷徨地勢通江  
瀨人家逼海疆梓桑還繫念況乃有高堂

徧野無禾黍傳聞但草萊荒村饑鳥下蕭寺餓人來龜竈晨炊  
寂寥樓暮角哀誰爲漢虞詡議策澹沈災

魚鼈原田起蛟龍窟宅移嚴城危古堞頽屋牗荒基越水餘生  
萃吳趨舊俗疲側聞矜恤

詔

聖主念瘡痍

汪小竹全德以紀夢詩索和卽次其韻

掠人春色上邗江小閣臨流拓瑣窗明月二分橋廿四玉簫吹  
處總無雙

憶到華胥撒手行石邊香夢證二生憇珠宮內神仙錄記得青  
琴是小名

迴廊月上款瓊扉正是香篝玉篆扉婪尾時光天乍煖晚妝曾

換五銖衣

彷彿瑤笙奏碧城小窗銀甲夜彈箏大羅天上題詩後親聽霓裳第一聲

小竹新  
預館選

初夏招吾南園孫雲浦小集賜硯齋偶成

轆轤車塵五載中鶯聲嘵老落花風羈人蹤迹憐王粲壯士功名愧竇融異地親朋聊縱酒天涯兄弟惜飄蓬

時家小珊兄下第南歸

不堪更唱陽關曲歸夢頻牽越水東

乙丑夏復聞浙江杭嘉湖三郡雨災詩以誌感三首

往歲傷淫澇蒼黎氣未蘇祲氛今復見衰敝更誰扶碩鼠虛村落哀鴻滿道途催科休更急有

詔已蠲租

故土三千里偏災十五城江淮趨白浪溝壑轉蒼生館冷紅蠶

箔塍荒赤雁杭海濱原瘠地況復廢春耕

十萬

中朝帑災黎被澤深救荒原吏治流禍豈天心身世嗟匏繫生涯感陸沈平原重作賦不獨爲愁霖

馬鬼驛

拂廬妖氣燭星芒早識豬龍擾朔方誤盡國家張采訪豢成烽火李平章陳陶戰血滄流赤蜀棧曠痕宿草黃邊釁果緣妃子啟南朝宗社爲誰亡

新秋病起

槐廳事少儘閒居又擲駒光半載餘紅菱池塘新霽後碧梧庭院早涼初平生宗尚千秋在故里音書一月疏令節關心勞夢寐高堂繫念更何如

雜憶

江山如舊別愁新  
話雨西窗事已陳  
宿草荒原長臥客  
落花遠浦未歸人  
惺忪旅夢雲千里  
撩亂心旌酒百巡  
驄馬天涯何日到  
滿堤楊柳又殘春

渭城一曲最關情  
滿院梨花夢未成  
舊日樓臺飛燕影  
祗今風雨杜鵑聲  
白門自送春潮急  
碧檣誰憐夜月明  
惆悵青鸞消息斷  
銀河無復聽吹笙

恭進 東巡頌冊蒙文綺荷囊之 賽恭紀

曉日曠麗啟

紫宸

螭坳珥筆紀

東巡明堂賦敢追前哲湛露詩偏逮小臣雲織七襄機錦粲月

銜半玦佩囊新妻孥亦感

恩如海尺翦聲中笑語頻

送雲浦還平湖

少小結兄弟兩意無差池君來事文戰盡室爲解願困鱗輒點  
額倦鳥因思歸明知別離苦又恐淹留非高堂已垂白定省難  
久違行行捨君去旣捨還復悲餞君城南曲揮涕如纏繩今夜  
一樽酒明日誰同持孟冬木葉脫行旅慘不怡頽景易西匿朔  
雁方南馳瞻望不復見雲樹空迷離

移居西甌胡同

草木黃落霜滿庭鯉魚風急鳴檐鈴呼奴曉起理燕器新居已  
卜西南坰碌碌車轉兩輪篋長脣短筭堆奇零亦有束筭皮巨  
箇文淵閣本開成經郊島寒瘦到家具路人指點顏爲頹蘆簾

紙閣幸修潔迴飄不使穿疏櫺時窗無事弄柔翰卷簾坐對西  
山青況復法源寺最近蕭穆古木環禪局明春倘值雨新霽著  
屐探徧花冥冥十萬買鄰計更得東西屋住到與丁偶然退食  
足談醺莊諧雜起能忘形客因考室索我飲長鬚奴子攜瓦瓶  
堆盤蔬果頗不惡花豬肉膩魚嫌腥僂僂屢舞樂未磬無奈燭  
跋催客行恩促送客出門去仰頭瞥見晉中星

史館夜直

迎秋雨過正新涼鈴索聲清徹玉堂鴻祕踵成周六典麟編愧  
乏史三長瑤樞耿耿天無極銀燭幢幢夜未央夏絕蓬山輸小  
宋更無紅袖爲添香

擬琵琶行卽用原韻和程礪漁表弟作

天風吹送騎鯨客小住蕪城聽瑤瑟春粼漲綠盪畫船水閣珠

簾鳴管絃鸕雌粥粥雄龍別不照吳剛天上月仙源路轉暗香  
來忽遇瓊花一枝發花枝連理種從誰卷幔停橈低問遲星衣  
翦綵參差見珠闕瓊房侍仙宴小釦初苞豈忒胎低鬟乍識芙蓉  
面圓黃細轉嫩鶯聲掩抑珠喉淺露情背鐙促坐旋繁思自  
道煙花非素志家本西湖異姓王談來麋鹿姑蘇事機中錦字  
早工挑阿母無端教綠么桃花飄泊曉紅雨萬斛愁情向誰語  
秋蟀春鷗指一彈三五明月懸晶盤新移鶴澗瓜皮艇來傍雷  
塘紅蓼灘憑欄一聽心懷絕腸轉車輪久未歇自從蝶夢醒莊  
生十年未聽箏琶聲燕山月上銀槽響汶水風來鐵撥鳴多少  
無鹽工刻劃五陵年少揮金帛蠅玷終留素璧緇蠶經誰紡冰  
綃白天花散落輕紅中火井蓮開綽約容前身瑤島青琴女十  
二層城留不住墮劫愁埋羅刹城轉輪還仗天龍部停櫓密語

兩纓絲回頭不等春  
翠妒崔護重來是後生  
張鷺誤入皆前數  
蝦蟆漏轉金烏飛  
曉妝猶恐臙脂汙  
水晶簾卷看梳頭  
蟬鬢蓬  
鬆妙風度天涯絡繹訪花人  
朝秦暮楚無新故  
誰遣他生下此  
生能教大婦憐中婦  
手持越網結千絲  
絆住青鸞恐飛去  
斷腸  
流水木蘭船  
杜宇催歸曉  
夢寒斜月繁愁  
金了烏煖風吹恨玉  
闌干相思久  
共鑪灰息春蠶  
忽化秋蛩  
唧噭難忘伯樂知  
劍龍  
籍有張華識  
重開仙醞  
讌瑤京宛  
轉鸞笙奏碧城  
四大竟非  
歡喜地千回  
盡是別離聲  
淒涼塞北黃雲散  
惆悵江南紅豆生  
長眉蹙額難成笑  
不作嬌鶯恰恰鳴  
但言井水波瀾少  
心膽平  
生未一傾荀  
令衣香情自結  
班姬團扇曲  
誰聽君身便是青銅  
鏡照妾無瑕  
白玉明今宵  
勸盡一樽酒  
明日送君萬里行  
關河  
萬里愁雲立  
脫苦長流  
艤聲急  
山館雲荒  
蝶飛江城夜  
靜魚

龍泣蒼茫煙水不見人一片征驅浪花溼

法源寺看花作

杏花雨過天初晴馬蹏催我西郊行法源寺古最幽夏六時清  
課門常扃幾日淑氣逗花信微微暖吹出鶯簫聲鉢車寶馬絡繹  
至治游爭借看花名禪扉敞啟曲徑盡春風一笑嫣然迎花香  
時亦見蝶蝶接葉惜未聞流鶯回頭忽動故鄉思江村三月方  
清明舍南舍北發春水雨絲漾空煙迷汀瓜皮艇子客三四一  
枝穠曳菰蔣鳴菜花黃徧李花白緋桃倚竹羅畫屏亟呼此中  
飲亦得淨地布席如掌平矮足几列步障繞我儕坐遵禮經  
家製臘肉見誠齋詩勝琥珀清若美酒傾瓦瓶貓頭筍脆野蒿嫩更  
有蔬果堆零星兩顆鱸魚乍釣得筆以芝桶堪作鷺或爲鯈吸  
或魚喫但許皆醉無獨醒微酣正好晚炊熟流匙白雪抄香杭

輭紅不到衆綠淨歸舟恰趁新月生此境契闊倏八載縹塵涴  
我留燕京今朝游興差快意欲攜明月來吹笙

清明日有感時寓居揚州休園二首

一載天涯類轉蓬爪鴻蹤迹太憇憇扁舟湖海春潮綠蠟屐亭  
臺夕照紅懸樹尚逢陳仲舉傳經終愧馬扶風傷心猶灑麻衣  
淚那忍紓青玉殿中

八年麥飯未親澆客裏清明又此宵難得舊交逢白傅

謂姚秋農白小

山雨前輩自憐壯志減班超春風漫坐三千士夜月誰憐廿四橋飄

泊長途慚負米一鎧旅館夢魂遙

自邗江旋里留別阿厚庵鹾使張硯泉太守姚秋農白小

山雨前輩及同里諸子四首

春江水緩駐行旌新綠橫窗鳥自鳴長遣有花消白日轉愁無

澤到蒼生一帆自作歸雲計三月難忘舊雨情藉草旗亭勞餞  
別澆愁不覺酒頻傾

簷城吹起角聲寒游子天涯顧影單結客好嫌分手易受恩深  
恐報時難一杯風雨情猶慟千里關河夢未安雙指郵程何久  
滯重勞慈母倚闌看

未許勞薪息海濱疲驢僵蹇踏風塵異鄉簫管難爲樂舊日親  
朋半是貧多謝平原能愛客只愁王粲尙依人江南極目哀鴻  
滿還望安全仗重臣清故賈初校

飛來閒夢白鷗邊憔悴征衣又一年謝傅東山長戀闕張衡南  
郭暫歸田門前彈鋏原非策海上聞琴或有緣多少淮陰漂母  
感壯心翻愧受人憐

神龍曲

神龍衝衝天半舞。領下珠光忽吞吐。飛瓊水瑟夜罷彈。曉夢探驪來。合浦雲容離。合紅袖翔仙掌。一擊明夜光。陸離五色懸。金璫霞旌搖曳遠。瓊房元霜玉杵丹。初熟擣碎紅螺香。萬斛珊瑚結絡金絲盤。飛上霓裳添馥郁。異靈曲罷星斗斜。瑤宮琥珀斟流霞。玉樹交柯結連理。蓬萊宛轉迴雲車。

程母江貞婦歌

愁雲黯澹燈無光。休留夜囁嚅。竄梁鈴旗捲影鸞鶴翔。修文一去層壚黃。篁南有女紅樓住。噩夢秋窗候。驚寤雲旗白。馬恍惚來鳳凰臺折飛塵埃。琉璃一片紅淚溢。翻身忽共雙鷗沒。魚龍夜泣水仙驚。羅韞淩波重。擁出博桑日。曉慘不紅麻衣。繆雪迎門入。新禍夢結故鬼悲。靈風颯爽吹重帷。堂前憶子白髮哭。山上望夫翠袖曬。天荒地老愁不已。黃鸝秋風歌又起。仲雅騎箕

季子殂孤鸞星滿寥空裏夜深促坐鳴哀絃金釵拔盡炊無煙  
呼佛無靈天不憐十指凍裂寒機前頹陰急景霜盈顛苦嬖茹  
老青春年蠟蛸結網懸空幃仙風引路瑤池歸生前青鳥不雙  
宿化作鴛鴦墓上飛

兩船行

長風東吹雲勢逆激流西下箭飛疾煙檣如馬走不停西舫東  
船忽相接羊腸路轉雙峽峙一綫飛濤各奔入天崩地裂震震  
鳴耶許一聲兩舷合勢如太華連雙峰力盡巨靈不能擘盤空  
巨緼忽倒懸萬夫洶湧環隄立摧枯拉朽若搏兔怒獅一吼長  
繩裂絡繹估帆銜尾來銀漢紅牆兩隔絕喧呶呼噪不斷聲誰  
有黃龍負舟力須臾一柱砥水流撐入狂瀾齊挽出風馳電掣  
萬艘行夕陽西墜東生月回看岸側舊時船舵折桅橫篷碎缺

徘徊煙水不能行  
翻笑先時何太急  
人生狹路或相逢  
胡弗暫爲退飛鷁

游破石西山寺

野店危橋外斜陽一徑平  
山空僧入定鈴語佛無聲  
遠岸歸樵擔扁舟  
駐客旌故人何處訪相對有餘情

登譚仙嶺

神仙不可見  
嶺上獨逡巡  
古屋藤懸壁  
深山鳥避人  
埋雲丹竈冷  
無主野花春  
下視巒闢地黃  
飛五斗塵

半山道中

舟過半山道  
山山入杳冥  
波光搖日紫  
石氣抱雲青  
漁子藏深汊  
篙師畫碎萍  
幾家茅屋外  
鴉點晚零星

策屨以讀畫齋叢書見贈卽和策屨百疊東坡韻誌謝並

以留別

嬪福地縋幽熟滿目球琳窺簡竹異書似借漢荊州別序翻成李盤谷天涯馳馬識君遲海上烏蟾催我速黃塵五斗拂征衣山山種徧相思木

和吳松雨留別原韻

亂蟬嘵破晚晴天厯厯煙檣指去船幾日暫停長水屐八年曾拂薊門鞭空令羈迹塵中滯未有奇文海外傳爲語多情吳季重他時攜手五雲邊

題晉永和瓢硯四首

上有永和九年秋八月  
七字陳南叔得於海上

鄧州城郭蕩寒煙重話滄桑大海邊儀鳳樓荒靈圃廢銷沈猶有永和瓢

烏鵲海國有孤村夢馬河山迹尙存夜夜燭天光怪露寒潮湧

起礪頭門

魏時銅雀宋澄泥斷甓殘瓴認舊題奇想忽同溫驃騎風腥海  
市手然犀

璘彬古色蘚花青七字流傳硯尾銘記取山陰觴詠日半窗修  
竹寫蘭亭

春樹兄俊以避暑十景詩寄示和答

流泉碧漲

暮雨初晴水鏡開芳塘閒步意徘徊一篙新漲連江綠遙望扁  
舟破浪來

西嶺晨霞

閒倚高樓縱目頻西山漸見曉霞新斜拖麗錦紅千尺飛近蓬  
萊映玉人

北窗秀竹

颯颯清飄送晚香千竿秀竹動微涼北窗小坐煩襟滌一徑蕭  
騷引興長

漁歌晚渡

一葉漁舟向晚行幾家燈火月初明清宵無事憑雕檻遙聽淒  
歌四五聲

一曲琴聲

幽琴閒操畫堂東漸覺南來解悵風一室清涼心自得蟬聲斷  
續綠陰中

萬壑松風

鬱鬱喬松植小巒幾叢翠色映雕欄虬枝動處風微起萬斛瀉  
聲入夜寒

酒市雲香

遙看前村曙色分  
當爐掩映露紅裙  
遠山眉黛真無匹  
綠醑香風欲繞雲

山水風光

風吹綠水湧深灣  
雲滅煙消現翠巒  
極目高臺無限景  
一谿碧浪幾重山

曲水荷香

曲水盈盈泛小舟  
輕風低拂暗香浮  
紅衣惹處情難抑  
不羨穠姿羨並頭

山臺夜月

碧天如水月初斜  
皎潔應無片翳遮  
閒向山臺歌子夜  
不知短笛起誰家

過鎮江

一棹秋風裏江城俯練光山盤深樹綠沙湧濶流黃古驛停征  
騎孤村下夕陽妙高臺外望樓閣隱蒼茫

望焦山

孝然高隱處攬勝曉停艘山勢金陵抱潮聲鐵甃撞蛟涎腥古  
澗魚目睽空江瘞鶴銘難見摩抄徧石矼

懷姚秋農白小山兩前輩二首

同值瀛洲地天涯見玉驄黃扉姚相國紫禁白文公禮數尊前  
輩交情寓古風相依三月久分手惜恩恩  
一別千餘里繁懷十二時關河青雀舫城郭綠楊絲雁信三秋  
約雞聲兩地思無窮知已感不獨爲傷離

贈揚州張硯泉太守

牛斗星邊擁節幢南湘清望重南邦卿雲人仰來三晉福曜天  
移到兩江識洞晶燈銷雀角勳銘鐵履鎮魚矼遙聞士女謳歌  
樂鼓吹朝朝起畫艤

春風桃李滿門牆玉尺頻看鎖院量文望六朝周庾信經師一  
代漢毛萇龍岡人物添新志鹿洞規模擴舊章早識盛名高北  
斗衙齋清話興偏長

求聞過齋詩集卷二

海鹽 朱方增 虹舫

明月樓詠

東風十里揚州地，城郭垂楊跪游騎。  
參差亭榭繞繁紅，宛轉湖山入空翠。  
就中百尺趙家樓，碧檻珠欄晃斗牛。  
花鶼客擁黃金勒，香幕人懸翡翠鉤。  
蟾蜍寫影金波溢，一片琉璃照璇室。  
夜蟻歡浮玉女觴，秋蛇笑綰王孫筆。  
淋漓墨瀨舊題名，鳳跱鸞蹲揭畫檻。  
螢火已看消廢苑，鴉籬又聽賦蕪城。  
調絲擣管風流歇，綠草淒迷埋斷碣。  
三千裙屐更無人，惆悵年年二分月。

重陽日陳惺齋明府招飲署中卽席賦謝四首

寒砧夜擣蜀岡邊，客裏重陽又一年。  
異地茱萸兄弟別，小園梧柳友朋聯。  
時與姚秋農白小山兩前輩嚴子敬上舍孫雲浦孝廉同寓圃  
浮雲海國鷗鳬迹，迹

細雨江城蟋蟀天多謝陳蕃頻下榻開樽坐對菊花前  
棠陰種徧綠楊城簫管湖山溢頌聲鶴髮望高文潞國鼠牙訟  
息趙邠卿春筵裙屐光風度秋館壺觴舊雨情獨惜登高豪興  
阻滿天不放晚來晴

官閣紅燈進桂香客情款洽喻投膠蓬山風度皆前輩謂洪桐生及秋農小山

謂江濤塘節中請前輩徵省文章半故交趙昧辛司馬

年話舊憶螭坳轉憐司馬青衫別又拂征塵折柳稍時昧辛司馬將之通州

越江秋水滯歸船冒雨招邀醉醕醕明月樓前歡藉卉扶風席上愧傳經頻年鴻印留淮海一夕猿聲叫洞庭難得題糕成雅集重添佳話竹西亭

題孔秋浦柿葉辯書圖

倉頡造字未有紙龍書鳳書傳誰氏其時服卉衣草人用葉濡毫或昉此後來削成汗簡青零紅碎碧空堆庭孔君嗜書有奇癖秋蛇綰影春蚓篆圍中鳥柳十萬樹樹撐空拂雲霧西風夜起落葉飄掃兔飛魚當紈素置身恍到摩伽陀鵠王梵笑書貝多水流山峙勢不一錯落濃點迴纖波有時學作長史草吹林扇樹雲煙繞有時渴筆彷徐浩抉石奔泉怒猊拗淋漓墨瀋洒平蕪苔文蘚字交模糊縱橫起落得天趣十指生氣回槁枯勞勞笑我走長安學書未遺蛟龍蟠何當擲筆梁侯園長鯨一吸墨海乾

題沈青藻寫葉惜殘紅圖

先生惜墨更惜花春林萬葉榮秋蛇玉樹交柯搖碧靄金壺酒汁凝紅霞十行蝌蚪分仙篆黃絹妍詞題宛轉窗下新揮毫尾

圓枝頭舊聽鶯聲。輾東風回憶養花天。姹紫嫣紅畫檻前。香幔  
幾重深院護金鈴。一串絲絲懸霜華。倏換晴紅媚紫玉成煙綠。  
珠墜詞客三秋悵寂寥。花神一夜添憔悴。簾卷中庭時舊柯蕭  
寥。無復綠陰多。烏絲寫徧相思字。鳳管吹殘懊惱歌零。紅飄泊  
愁雲疊。香波一勺銅溝滑。何緣流到玉皇前。催得明年花早發。

沈祖雲丈留飲出秋林待月圖見示卽席題贈

主人華掌夜讌客。桂肴椒醑陳絡繹。歡悰振蕩不復知。醉起狂  
歌自岸幘。此時暮色正冥冥。一輪未晃琉璃碧。逡巡示我待月  
圖。對景揮毫氣辟易。先生前身本明月。翩然飛下蕊珠闕。粲霞  
風度神仙姿。瀟洒泉林自怡懌。有時擲筆作奇句。手拔乾蛟一  
千尺。平生意氣凌層霄。愛客長馳鄭莊驛。去年南歸始相見。肝  
膽交傾略形迹。恩恩一水忽解維。重來不管雲山隔。高談雄辨

兩情投肯教歡會。寧今夕須臾坐。久月輪生洗。瓊重浮一大白。

題施少峰紀哀詩

大雅聞幽薊。高風重語谿。天潢猶斗仰。

秋亭貝勒素履國公均有贈詩

海國尙

巖栖白社聯裙屐。青山躡磴梯。詩才凌短李。畫癖近迂倪。小榦紅芙館。扁舟綠柳隄。隄景堪怡水石情。更篤櫞梨舊事追。溫席韶齡溯佩觿。鳳毛原卓犖。鯉教久提撕。瑣閣羅珍饌。華堂護錦緹。循陔宵詠獮。問寢曉聽雞。王枕歡常扇。莊椿耄未躋。龍蛇逢厄運。驥子動悲嘶。砌畔榆方浣。階前紺已攜。旌旗雙鶴下。箕尾一星低。總帳生芻薦。平岡宿草萋。茶煙消玉鼎。香篆賸金猊。殘局拋清簾。遺編襲絳綯。感時三暑度。愴物幾篇題。苦調鏗金石。酸音雜鼓鼙。拊膺君罔極。展卷我含悽。往者搏鵬翮。天涯走馬蹏。桃蹊晴破萼。莎岸暖抽荑。射策燕臺北。醉親虎阜西。

嘉慶辛酉余赴禮部

試先大夫  
偕至吳門風光迎泰岱河勢瞰琉璃官舍看雲隔鄉園望樹迷離愁征雁近歸夢杜鵑嚦好續耆英會長扶太乙藜葭衣六管動驛騎一函齋事忽驚風燭心如刺斧鉞關山遙設旆涕淚溼沾硯雲陣埋沙礪星行返輶輓哀逾鳴櫪馬痛類觸藩羝遂使我詩廢同憐薤露淒作歌懷自寫修史筆誰提摯誼丁蘭亞賢名石慶齊無窮傾慕意何日慰攀嵇

王文簡公生日同人祀於桃花庵卽用秋柳四首韻

方連網戶賦招魂一代詩壇重白門簪紱西曹霜鵠影管絃南國雪鴻痕蠻煙舊入溟陽峽濁酒新沾上若村攬揆又逢初度節遺山詩格更誰論

繞郭垂楊拂曉霜尙書栗主祀雷塘珠龕供奉三摩地瓊笈流傳七寶箱他日築祠鄰董子當年詠史感曹王獨標風雅歐蘇

後

文簡與歐陽文忠蘇文忠同祀桃花庵

不數城南高士坊

平山幾度換征衣修禊紅橋事已非池北談諧前日盛竹西鼓吹近時稀秋風裙屐閒鷗集夕照亭臺野鶩飛惆悵治春人去後金樽檀板壯心違

舊游回首儘堪憐曾見齊州九點煙濟水墓田悲寂寞茅山神曲唱纏綿桃花開滿三千歲薤露歌殘二百年贏得先生名壽世菰蒲今薦蜀岡邊

武原新樂府十二章壽邑侯張柳溪先生

竹馬迎歌來暮也

竹馬迎迎雙旌搖來使君使君家住鮚瀆津春容大雅世罕倫鵠若泰華生春雲珊瑚琢筆毫青麟丹鯨手掣驚鬼神雲垂海立造奇語秋鴻扶搖天半舉春風吹上黃金臺臨軒

帝策經綸才瓊瑤結綬之江來紫谿一曲甘棠栽甘棠栽處謳聲起旁邑聞風慕何已攀劉借寇無限情仙鳧飛近寄奴城寄奴城邊柳條綠繁煙拂露橫塘曲行艤曉盪煙波中郊迎士女歡顏紅壺漿紛攘夾官道連袂成雲圍羽葆釀膏一沛粉榆春吾鄉德政謳歌新

酌廉泉清如水也

酌廉泉廉泉湛湛秦谿水此水能照卻金心臣門不礙紛如市荒茺黍苗曰爾溉也陰陰桃李曰爾灌也惟鄧山與郭穴曰爾滌其穢也虞城井平陵車清獻鶴來蕪魚晝飛駢雉宵肅漁惟公之清其方諸廉泉在一手廉名在萬口願祝此泉變春酒百年三萬六千日飲公之和頌公壽

匠翹秀育人才也

千章鬱鄧林繁薈蔽雲日不入大匠門何與樗散別秦貉一百  
里大海環其側靈氣鍾山川衆材爭軋荔漢焦貢吳陸納唐顧  
況元揚發明時鄭曉偕張寧詞藻葩流推傑出我

朝羨門子蘭省先珥筆嗣登著作庭蔚起難碑述百餘年來  
化澤釀培養復邀使君力龍蕙佳氣藹藝林杞梓楩枏萬行列  
潤以時雨霏熙以春風拂蕤蔚豐枝條蔚翳茂華實玉尺手自  
持短長量一一孰爲大廈材孰爲凌霄質良楷及薰蕕真鑒百  
不失楨與榦槐與棘異日欣欣感扶柂

握冰衡揜羣雅也

朝廷掄雅才校士倚績學歐陽識大蘇高鑒獨超卓譬彼楚有  
和乃能知良璞惟俟大雅羣詞固名騰踔秋風動桂林鑲院耀  
丹艤

鳳闕使星來文柄誰同握浙中仙宰七十人風雅獨數侯淵博  
高詞樂馬班奇藻較盧駱聲華重上游多士資矩矯丹黃甲乙  
千百卷但取精華棄糟粕如器別瑤礎如味分酥酪煙雲濃澹  
不一姿盡教一一歸鑪橐當時列宿隱郎官乍見忽如眼刮膜謂十雅堂比部  
揅金恒河沙聯翩起鵬鷁餘子皆俊才文彩紛卓犖自  
非扶輪手何能徧冥索君不見繡衣葉遭登黃閣巨眼曾聞出  
王鐸又不見殿前裴皞吟詩樂三主文闈頌聲作

酬兜觥禮高年也

溶溶泮波綠漲蕩萼庭卉紅生青陽鳳律方轉紫霞鸞翠重傾  
官閣春招杖履覺夏晨集簪纓峩峩鮑背桂父彩票彩鶴髮錢鏗  
紫芝商山綺季赤松石室初平紆組階前揖讓扶筇門外拜迎  
桂醑蘭漿列座蟠臚魚醢充羹瑤篚紛陳南肆玉洗臚設東榮

樂奏鳴鐘球磬曲按鈚管鳳笙由儀崇邱間作采繁華黍載牋  
尚樹禮存三古引年儀仿五更歲值

天子仁壽時逢海寓澄清耄叟

彤廷錫帛耆儒蕊榜書名

五旬廣宣恩綺四域同播歡聲絳縣人多書亥蒼昊星耀長庚  
八載仁流珂里一時謙啟瑞京東海譽延若木西都會繼耆英  
發倉廩有餘粟也

驟萍翳輪轡墜蹠烏晦蒼狗霑霈祁祁渰蒙濛電沈龍吟漂種  
甲始邁戊再逢禳妖螟鞭癡龍昏霆掃馨香通誠假帝饑曠農  
室罄懸牖杼空塵生餓簞無豐疏災祲達

皇聰緩丁賦減租庸蘇轍劖拯澤鴻啟廩困出耗穠比如櫛崇  
如墉千夫碓萬夫鵠吏鵠立叱屬從擔橐橐攜篠籧版戶量

區鍾雁枕赤鸚粒紅漸釜鬻給殮饔歌壞叟嬉轍童昨斷炊今宿春潞河北淮河東襄陵若翳桑同民食紬吏橐充簋不飭餗

謂直隸寶坻  
江蘇山陽事

彼怨咨此嗁嗁

皇之澤侯之功

鼓腹詰民飽德也

一翁攬一雛一婦翼一姑一嫗挈一妹一寡提一孤一販雜一屠一匠參一巫一農間一儒一漁兼一沽長者翫其鬚矮者整其趺强者當門樞弱者隱庭隅維跛蹣跚趙維眇彳亍扶維尪僂僵驅維病呻吟呼孰則摻甌瓿孰則攜甌壺孰則懷酒觚孰則持梁孟手掬而心瞿口哺而聲愈困頓瀟觸踴躍水趨亮自野逮城郭自朝至日晡三三兩兩殊十五五俱我日使君餉我命使君蘇不畏徒行徒聊潤枯腸枯九年堯水吁七年湯

旱劬天災何代無政貴循良敷勉爲屬丁夫努力治萊汙莫歎  
婦無襦莫怨餐炊珠二米合一秤三階瞻六符飯爲飽雕胡河  
可釀醍醐三日閑閒酺擊壤賡康衢

禾同穎綏豐年也

風和越壤土沃海喚衍膏雉隴滋澤鱗阡丹秔玉璨紫秬珠圓  
天錫嘉種人迓康年一章擢秀瑤莖霏香瓊穗連穎抽紅駢枝疊  
翠嶠粟珍珠黍稌讓瑞寶世矜希臘前紀嫩二章獲以金鋤藏之  
璇籞獻社宓琴嫋祥姬牒四酺豐徵干庚惠浹飫德庶黎流馨  
累葉三章山傳秦駐疆溯漢分麥歧曾詠禾祥渺聞蜺旌揚采鸚  
粒垂芳迓邀昊覲上答

聖君四章

適樂土憫鴻嗷也

江南去年夏狂濶倏奔瀉黃河之水從天來濁流倒灌長隄開  
人家半沒蛟龍宅餘生輒轉溝壑哀鄉閭蕩析炊煙無汪汪千  
里漂平蕪昔時鱗瓦連雲起貧者衡茅富者瓦鴛鴦比翼雛燕  
飛簫管春風豔羅綺歌舞年年不自知一朝滅沒滄波裏扶老  
挈幼倉皇走上雨傍風宿郊藪江南撫字幾多人何人勞來安  
其身側聞越中有仙宰迢遙城郭臨滄海仁風潛扇化雨流浙  
中赤子都蒙庥浮江鴻雁紛紜至使君一見中心愀錢千緡粟  
一釜活我千百人不知仳離苦長流汨汨數聲艤還我故鄉給  
資斧後杜母前召父使君之德同千古

擊磬鼓與百堵也

先民有言築城思堅矧茲鹽官赤緊海喫一解維唐開元暨明洪  
武旣化旣言徹我土宇二解雉墮而堞狐竄而堠匪哲婦之傾無

平不頗三英英我侯子宣于蕃規彼封鮑愧彼懸貆曰四封之  
慎則有司存四靖海望吳來薰鎮朔經之營之東西南北五解  
鼓召矣民胥詔矣予曰有板榦予曰有畚築予曰有餽糧予曰  
有財蓄六侯曰殫止民曰安止侯曰休止民曰留止登登憑憑  
俾無頗無側無騫無崩七我墉伊完我櫓伊建說以使民忘  
其怨八解泰山蒼蒼江水瀰瀰磐石同安怒濤不圮九解雲煙萬竈  
鬱鬱葱葱於萬斯年我侯之功十

鞶磬石慶安瀾也

九塗十八灘三十六沙洲鹽城當下衝東南截洪流洪流螭城  
作鼴吼勢如欲挾孤城走馬銜當路海童嬉曠闊天吳森九首  
帝憐赤子生魚鱗開山力士勞五丁曰磬曰礎曰砠岵鞭施秦  
政驅風霆石骨牙牙瘦石塘牢結構蜿蜒直走三千尺怒激水

衝與水鬪石凹凸湖匈訇吐火雷鼓鳴驚沙噴薄作雨灑  
紫瀨欲撼黃盤傾年深豈免無崩圮盤陀雖固非金城桓桓張  
使君中流一柱砥射潮不用婆留弩完者益修圮者理鹽城如  
彈丸鹽塘圍盤盤修如常山之蛇蟠瘦如潯陽之蛟乾其脈  
而俯瞰也如蜃聳之蹠蹠跚其傲狠而反拗也如怒貌之挾幘  
屹蠅蜎蜎漫象各肖陽侯欲齧心先寒聯以長檣秦駐湯蒲諸  
山足輔以沙黃草白莽莽之危灘靈胥不怒種也喜澄波若鏡  
狂濶安此邦成樂土此塘永萬古竟將苦海變甘州野有馴雉  
無苦虎桑麻彌野雞犬安勞民民不憂鼙鼓鼙鼓歇塘工興謳  
歌作第祿仍鼈維永奠無竊崩東升海月當空麗照見公心清  
似冰

壽而康介繁祉也

我侯惠澤滂流徧海疆越三千年懋績繼漁陽豈獨登春兆庶  
歌舞康仁心愷澤直已感穹蒼天錫遐祉單厚不可量瓊房翟  
茀雙聚眉案旁丹雛聲清鶯起兩鳳凰爪瓞縣衍疊苗蘭芽香  
龍蕙玉樹繞膝嬉璇堂累葉纓紋貽燕何蕃昌餐甘蔗境娛樂  
方未央八千歲月彌疊積蔀章璫弧懸庭仙琯按八琅扶鳩父  
老歡進延齡觴堂前絡繹鞠腮斟霞漿願候節鉞不日拜

天闔身坐鉢閣手綰雙銀黃慰我東西兩浙萬民望福星歲歲  
照耀牛女鄉延洪曼羨瀛海仙籌長如日如月如川如阜岡億  
年德政彪炳書旂常衢諧巷歌未足揚循良

舟行雜詠十二首

西風吹送木蘭船小泊麻塘綠水邊蠟屐曉趨三十里無人知  
是地行仙

鑿冰勢與鑿山同  
徹夜丁丁響  
晚風穿出鴛鴦河  
一曲御花園  
外玉樓通

碎瓊片片湧中流  
人在瑤池盪槳游  
櫂過吳江楓葉外  
幾家燈火百花洲

短簿祠邊人定後  
闔閭門外月斜時  
鐘聲吹落寒山寺  
畫出楓橋夜泊詩

閒傾蠻榼酒三升  
舊雨相逢興益增  
載得釣鼈公子去  
夜深搖

月過毘陵

時與侄雙潭途遇招至舟中晤談竟夜

耶許喧傳兩岸聲  
飛芻挽粟萬艘行  
連檣竟似橫江鎖  
隔斷南朝鐵甕城

繞郭紆迴石徑斜  
肩輿安穩勝乘槎  
路人笑指城南路  
丁卯橋頭許渾家

金焦山勢巒千盤飽曳征帆當畫看十萬魚龍江底伏隨風不敢作波瀾

煙柳長安路幾千郵程催度早梅天煎茶虛負盧仝癖未識中冷第一泉

佛狸戈甲指長流千載空城王氣收聞說近來潮汛小水程無復度瓜洲

玉鉤斜畔舊句留水碧楓丹又一秋二十四橋無賴月照人歡笑照人愁

臨流百尺起高臺虎踞巖關曉不開丹子無言津吏笑笑攜書畫一船來

燕臺詠古四十首

夢中星斗佛旛飛四十登壇賜錦衣誰假盧龍新節度應天元

寶晉陽歸

園開廣樂控雕弓射罿長楊落絮風要種蓮花三萬朵中都特  
起翠霄宮

智化琳宮迹未湮大璫遺像委黃塵九原應羨秦丞相鑄鐵湖  
山六百春

京兆荒邱墮斷碑斜陽悲弔獨生悲男兒功業須鐘鼎何事傳  
名到畫眉

光天寶殿湧金輪法演獅王化劫塵寂寞鼎湖風雨夜可曾同  
憶懺延春

曹節重生國事紛太和一策感劉蕡直言不獨憎庸主賈誼何  
曾悟漢文

野航萬隴綠雲鋪千載承平戰壘無父老尙談東觀事鄧隆車

騎犬羅奴

白傘黃幡障碧空大安佛國聳玲瓏泥金虛篆降邪字十六天  
魔舞後宮

蓬萊宮闕訪彭僊徐福空航碧海船何意薊門巡蹕駐翻留雜  
鳳作神仙

萬歲山高疊翠螺枝峰蔓壑擁巖豐碑新築虬龍冢可憶延  
綏戰骨多

黑窯廠北野花殷白紙坊南春草閒憶得重簾子盼盼一鉤新  
月畫眉山

大興隆寺奉功臣不改袈裟舊日身祇恐諸天逢老佛如何同  
轉法王輪

夢雲夢雨誤韶華冷落東風薄命花千古傷心惟兩地宮人斜

與玉鉤斜

十丈靈峰聳玉都芳華仙閣築蓬壺內人未解君王意猶指宣  
和艮嶽圖

祿山鼙鼓動漁陽冷落華清舊賜湯力士戍邊良娣寵祇留鸚  
鵡憶君王

江夏吳生墨浪翻生絹數幅試臨軒慈恩別起題名塔特賜中  
朝畫狀元

玉泉山水玉河通海子橋橫海子東爲問金城坊畔語夜深誰  
唱塔兒紅

朱殿初成御玉龍上公特錫紫泥封東林黨錮同元祐猶道紅  
牌法祖宗

教坊火鳳撥鶯絃倒葉花鬟擁舞筵東院文蘭西院柳冰華小

錄署名箋

紅牙小拍按霓裳太液龍舟櫂綠楊不記陳宮瓊樹曲曼聲爭  
唱賀新涼

搖籃招賢霸業開平齊原仗樂主才要離已敗鷗諸死幾兒功  
成俠士來

宛轉歌喉一串珠玉堂夜醺捧金壺瀛洲亭上鶯鶯牒特判當  
朝三寶奴

紫鳳瑤釵簇翠鬟春風同蟬寵恩頒高无殿裏私盟夜不及長  
生誓玉環

飛狐城外趙王來三字刀環石祚開驚電已聞襄國市瑞符猶  
記鳳凰臺

五雲仙詔渥恩覃玉牒橋邊萬象涵滿地夕陽鸚鵡粒幾經辛

苦種江南

居庸翠色接房山，萬里龍堆戰馬閒。  
壯士不須悲出塞，玉門今是近邊關。

游客爭停柳外驂，閉尋花草鴨闌南。  
白頭賸有曉烏在，曾見當年海月庵。

蕭慘古木森，山秋紅葉晴飛卷。  
幔樓欸乃一聲齊女淀，隔隄搖出采蓮舟。

禪將新降郭藥師，近春門外羽書馳。  
永昌宮使來朝日已是金人索米時。

握手臺然綠桂膏，碧城金闕擁星旄。  
瑤池三降西王母，翻笑昆侖八駿勞。

擊筑高歌易水濱，荆卿浩氣薄星辰。  
如何未斷秦王首，先遺華

陽斬美人

千層鈴閣聳浮屠水榭山亭入畫圖借問徽欽珮輦過可知翼  
北有西湖

真武祠荒罷踏青摩訶院廢靜談經還餘一曲長鳴杳冷照天  
邊蠍尾星

關臨松吉耀戈鋌蕭后謀家築受降未免被他鸚鵡傲獨開帝  
籙竟無雙

演妙堂開禮玉真袞龍御服換綸巾君王自啟長生醮殿上方  
傳仗諫臣

墓表哀忠寺憫忠高麗一戰紀平戎可憐埋盡龍堆骨依舊河  
山屬寓公

子髻雙峰潑黛新瑤宮爭祀碧霞神繡衣獬豸親陳疏爲請崇

祠建廠臣

平臺拂袖寇氛纏殘局空支十七年地下承恩應有語誤人不  
獨是中涓

銅駝夜泣康宮匣石馬秋嘶漢苑燈獨有昌平原廟在寶城安  
穩十三陵

雄霸城邊暮角哀大悲閣上酒樽開當筵佯醉窩羅虎笑跨燕  
山白馬回

庚午四月三十日奉 命典試雲南恭紀

芸閣簪毫夜未歸

時充史館提調兼會典館總纂襄載事繁屢宿館中是日宿會典館

忽聞

恩命正朝暉

西臺喜結岑

苦侶同典試者陳心畬同年中孚

時官兵科給事中南詔欣

看驛騎飛桃種

狄門奢後望菊開

蔣徑話先幾戊辰九月祭酒

蔣丹林先生祥

諱夢方增十年前亦風檜客甘苦時時憶鐸闈

典試雲南

宿良鄉四節驛

一百十官驛郵程第一籤畏途愁閱歷鄉夢雜酸甜近岫雲初  
吐窺窗月乍纖永安堂外樹新綠幾枝添

過定興二首

村舍斷復連半住綠陰裏陂塘相迴環開門恰臨水時聞鵝鴨  
聲呼侶立沙觜高柳垂毵毵風來顫不止一翁方投綸得魚亦  
色喜持竿笑輪蹏馳逐若未已旁有信天翁饑睛不他視  
高躅渺何處冥懷鹿太公慘遇黨錮傳詣希游俠風橐餧孟  
博納亡同孫嵩黃門網雖密卒難羅冥鴻有子亦傑士草檄如  
奔淇時危著奇節志卓成孤忠我欲訪遺蹟惜哉行怱怱

渡白溝河

巨馬河勢曲以紓遼宋舊界今模糊介甫曾賦白溝水沈郎亦

題漁陽圖幽燕故地謂可復塞垣萬里容耰鋤後來京貢祖此  
意盟金蹙遼誇良謨牟駝岡下陣雲慘坐使宗社嗟淪鋪始知  
德力貴量度橫挑邊隙何爲乎方今

聖朝大一統六合以內皆

皇輿

神京控制數萬里此水僅足環奧區往來行人快利涉深纔沒  
軒淺沒趺波忽喧闐正渡馬色太清泚難容魚石梁一道鎖蟠  
頓沙磧幾處眠鷗鳬肩輿過此領清聽麥黃風急鳴菰蒲

金臺驛

燕王築宮不築臺厚幣亦足羅羣才金臺之名始騷客以史培  
詩徒喧扈駿骨買罷戀鶴鶩排雲又望神仙來靈氣倏盡昌國  
去脊齊事業安在哉落日黯黯下古道宮乎臺乎皆蒿萊

堯母墳

萬古一杯土傳聞二典前電虹流遠渚日月啟中天地本慶都  
國名存帝繫篇堯山知不遠迴望正蒼然

定州

定州城外幾徘徊憶獄煙巒望裏開趙北酒傾劉白墮江南詞  
憶賀黃梅故鄉正值梅雨清風明月無錢買官驛荒橋有客來懊惱征  
詔纔數日已看衫袖滿塵埃

滹沱河

發源自繁畤匯作并州川恒山互西北青上丹邱巔長夏值盛  
漲衆流相洞沿岸坼忽無地野曠欲到天灝氣吞溟渤疑與碣  
石連策騎想徑渡梁絕不得前津吏頗解事已早具數船黃雲  
四野亘赤日當空懸駭浪擊船背聲厲愁其穿危哉此渡口道

元言信然到岸麥飯孰茅舍飛炊煙

藁城

沙漲迷人目鄉愁黯黯生輿圖肥子國戰壘趙王城夕照孤亭  
迴荒原百里平恩恩來古驛明月滿前檻

趙州

莽莽塵沙中忽雜幾點雨行過凌河橋楊柳對我舞折之欲寄  
誰南風正如虎霸業俄成空禪宗亦太苦累累者何墳不知酒  
澆土

自沙河至龍岡驛

策馬渡沙河水淺不盈尺騰激成濤聲縱橫亂車迹過河多土  
山黝然無寸碧平岡蜿蜒來上植荆與棘明輿身覺暄欣簾塵  
已積王程不敢緩彫目望古驛遠林懸銅鉦長日不肯夕

臨洺關

崔巍關勢迥形勝控臨洺落日征旗閃孤城畫角鳴地分河北  
險事記晉陽盟細雨輕塵後前途快晚晴

邯鄲雜懷四首

天工位置何莽蒼邯鄲才人嫁廝養鴉囬彩鳳殊尋常天壤何  
處無王郎桃李花矜顏色好落溷不如原上草世間之事多不  
平匣中古劍鏗然鳴

邯鄲城南游俠子寶鞍隨身劍礪齒有時走馬復鬪雞豪氣能  
壓北斗低忽然對鏡鬟有雪形容漸槁血空熱回頭往事如春  
潮白楊滿野風蕭蕭

不如挾琴邯鄲倡遷史著論何頹唐多錢善賈長袖舞鞶韻者  
流本爲伍昨日美人今白頭敗簾猶控當時鉤殘鐙挂壁耿不

滅請君一賦古訣絕

我欲邯鄲覓佳夢忽聞兩鼠鬪虛空真亦可夢夢可真鄭人蕉鹿徒紛紛王侯將相偶然耳失何必愁得何喜白雲無盡歸去來世上安有神仙哉

叢臺

太息叢臺下長林落日殷堦思全趙盛地跨兩河間炫服空成市濃陰半礙山徒然誇鼎士能否斂函關

邯鄲曉發

遙指安陽驛中宵又戒途近城聞手柝攜夢入肩輿涼月山頭迴明星暗後孤何時倩神妙畫出曉行圖

叢臺小樂府

銅雀臺

義義銅雀臺瀟瀟清漳水遺令分餘香奸雄奄然死何處指西陵疑冢七十二

愁思岡

天與才八斗矯矯東阿王相煎何太急余思正未忘秣馬憩洛水天風吹明璫

漁陽鼓

大兒孔文舉小兒楊德祖慷慨漁陽撻四座爲色沮妻妻鸚鵡洲可惜非死所

邴祭酒

返鄴不我迎祇有邴祭酒及至車騎歸曳裾來不後爲問管幼安稱此龍腹否

太武殿

古殿宏文高太武自旁起文石採穀城銅人自洛徙秋露涼娟娟金仙淚不止

青雀子

鸚鵡翮已成可憐青雀子下詔何倉皇飛來鄴城裏蟻陣鬪黑黃無奈黃者死

韓忠獻故里

唱第爭傳五色雲果真定策紀元勳能調宮府危疑地難控甘涼潑喜軍勸學早輕王介甫齊名祗許范希文竭來晝錦堂何處喬木無言對夕曛

淇水

淇水兮悠悠檜楫兮松舟古人不可見淇水常東流縛橋通津渡行李俯視淇水清且泚澄波如鏡空人心淇則有岸魚有涔

翟籜竹竿不在手篇蓄王芻亦何有如簣如簷爭釋詩無徵不信長相思

道中望蘇門百泉諸山

數峰排空來一峰被雲匿警然露全峰索之倏不得金碧少定姿朝暮各異色澗泉當競流嶺樹亦交織興行山亦行蜿蜒不暫息暖翠染我衣浮嵐落我側日行晴煙中令我幾憑軾惜無長嘯人與之講服食緬懷古通儒姚許闢榛棘地迴銷塵心境定識道力何處叩雪齋清風滿寰極後來孫徵君奇氣豈可勒宗旨悟象山於此寄靜默山靈日以親高躅渺難卽迴瞻太行山雲外聳助劣

比干墓

松柏何鬱鬱中有王子墳傷哉剖心事涕泗不忍聞或云是才

子或稱爲賢人論定經至聖卓然稱其仁乍謁三仁祠黯澹愁  
風雲下馬此憑弔草木慘不春古今茹深痛豈徒魏孝文

渡河作

滾滾金湯據上流奔濤日夜幾曾休無邊駭浪從天下不定歸  
墟爲地愁官柳至今喧客渡苞桑誰竟奠神州鼙音且喜西風  
峭一霎輕帆到岸收

宿鄭州

風捲層雲壓樹頭夕陽城郭望中收停車忽聽檐鈴急亂雨跳  
珠宿鄭州

綠野堂何處榛蕪一望迷孤墳殘照迴數尺斷雲低碑頌昌黎  
擅動名郭令齊重輕繫天下豈獨定淮西

裴晉公墓

呂文靖墓

聞道申公再相時  
褫麟逐鳳詫神奇  
淒涼郭后修真地  
倉卒希文去國時  
峒外川原依舊繞  
史中恩怨有誰知  
范墳亦有穹碑立  
會費歐公幾日思

昆陽故城

赫然稱大敵百萬銳  
師來雷雨昆陽陣  
星辰上將才氣先折威  
斗功已啟雲臺二百年  
宗祏基於此戰開

新野弔庾開府

空將詞賦動鄉關  
勦旅年華鬢易斑  
絡繹碑銘三輔地  
蒼涼雲物六朝山  
月臨新野仍相照  
水去江陵竟不還  
此樹婆娑生意盡  
柳條攀處淚潺湲

呂堰驛

途長馬足倦躑躅來樊城晚炊集煙舍估客喧市聲襄陽隔一  
水欲渡愁盈盈燕檣櫛比列雉堞參差明妖賊背蟻聚茲地亦  
被兵巡檢小官耳乃以殺賊名嘉慶丙辰襄陽黃龍圖教匪滋事焚掠呂堰巡檢王君翼孫死  
之殺賊爲賊殺身歿名則榮碧血覓不得燐火青熒熒

襄陽雜詠四首

形勢控上流舟輶達水陸境徑河以南郭枕山之麓雉堞明麗  
譙犬牙錯鄧穀言登呼鷹臺野鷹掠何速景升本人豪坐此作  
州牧骨肉悲未寒豚大呼已辱空存仲宣樓邈然動遐矚

朝發襄陽城暮至大隄宿大隄修且長野花何繁縟亦有芷與  
蘅采之不盈躬行樂當及時卽景聊騁目雅化自二南豈猶有  
靡俗解佩良非眞援軫詎足錄驛路忽聞歌愔愔銅鞮曲

古人不可見高躅何由追及讀耆舊傳古人良在茲抱雲幾巖

岫中結茅與茨間以漢魏事掉首云不知野鶴豈擾網文雞憚爲犧漁梁水浩淼鹿門山參差濁醪手自酌陶然無餘思羊公昔鎮此裏帶何雍雍盛澤被漢沔至今欽其風何爲飲噭首臨觴無歡容人事倏變幻山川無終窮修名懼不立以此悲填胸昔賢豈寂寂我儕真庸庸鷦鷯各自得飛躍枋榆中

荊州二首

建業西來占上游雄城屹立鎖咽喉戰場屢見烽煙合江水常聞日夜流三楚雲山皆入望幾人騷賦不傷秋渚宮故事憑誰問古驛哀蟬咽暮愁

馬化爲龍局已闌此間真當弈棋看六朝使節兼湘郢幾輩人才屬庾桓夢雨臺隨春草遠臨風亭付劫灰殘卽看一夕圖書盡愁覩連江蘆荻寒

江陵道中弔張太岳

江森森兮山濛濛川嶽秀毓張文忠定陵沖年踐天位中台一  
星光熊熊誦觚已逐首輔拱奧援或恃貂璫馮欲以富強挽貧  
弱頗能法度循祖宗士安握算充國用單于款塞銷邊鋒方吳  
譚戚盡聽命馳逐上下如雲龍有明中葉日凌替得此亦足維  
頽風奈何奪情迂衆議後來威福由褊衷致君堯舜要有術何  
至迫厲無從容灑然毛髮震天子況有左右含沙工不學無術  
霍子孟銜恩姑怨李衛公一朝身隕集羣詬吹瘢索垢紛相攻  
先生元輔甫稱罷簿錄竟等鈴山翁嗣子猝令死牖下老母幾  
致填溝中自斂名教果有罪能安社稷非無功君臣之眷貴終  
始殊眷何竟悲凶終沙隄一道久蕪沒夕陽紅上遼王宮

公安偶憶

東南王李擅風騷荷葉山人意自豪想過屠門厭大嚼獨憑漢水網銀刀

自船谿至辰谿縣

侵曉發自船谿驛四十里中簇萬碧巖石林立不一格種種足  
贊老米癖或如圍雲吐帛或如娟娟月露魄或如鴻鵠振六  
翮或如熊羆氣辟易或如奇鬼恣跳躡或如仙靈列遠蹠或建  
高臺忽露脊或舉盾歛紛相攢奇瘦或如野鶴瘠靚態或如齒  
背坼忽然面皴如老釋忽然脂凝如姑射忽然峭壁立千尺忽然  
低岫蜿一脈豈真鬼斧工搜剔闢此異狀悅行客否則姽婳  
補天石遺之南服未盡摭谿光隱現一林隔倒浸山影更明燭  
茅屋大半結石隙環以松竹自蒙翳向午縷縷炊煙白雞曉上  
樹飛拍拍倚樓者誰吹短笛此中恐是謫仙宅可惜王程正促

迫只供曠覽未游歷又惜荆關無處覓未得摹此入畫冊

晃州驛

晃州驛外駐征輶回首京華路正遙明日夜郎西去路亂雲堆  
裏馬蕭蕭

由玉屏入雞鳴關

繞城而西遵灘谿暑雨纔過風淒淒獅子象鼻山名相排擠中貫  
以河曰野雞竹橋蜿蜒軒虹霓過橋厯厯經幽蹊楊坪漫坡行  
折折疏林隔使谿光迷谿外一望皆平畦時有嵐翠宜遠睇渡  
清谿兮聞流澌瞻薄佛兮來招提忽從巖關折以西盤旋而下  
入空軒羊腸一綫高復低石細路古無一齊輪鐵礮石幾粉齋  
補以薄板同赫駢右有峭壁天布梯左爲長谿傾玻瓈奔雷濺  
雪鷺鳬鷺與夫十步九顛躋路轉往往淖於泥日之夕矣雞欲

栖鷗乃在深靄曉

栗子沖鹿發

地無三里平天無三日晴昨者大雷雨山腹方滿盈索衣出門去荒村纔四更前馬導以火後騎鏗厥鈴踏鐵蹴亂石石火飛星星上坂復下坂曲折無近程再接亦再厲一縱旋一橫緣若附蠻蟻轉似出谷鶯奔流界道左噴沫無停聲泥滑不受足時時愁其傾遙望兩燈閃與夫云虎睛天光幸微白前村晨雞鳴相見坡

四夫前導牽以繩昇者四耦偕之登二十四足相凌兢如螺旋然如猱升又如脫轡揚秋鷹忽然置身碧雲裏凹凸一峰對面起中阻深谿不見底當其盤折山之趾兩坡相距幾平聲百里至此祇隔尺有咫可惜盈盈阻一水彼峰行人以手招此間與者

聲嘈嘈相望不愁延。顚勞是風簾。蕩車搖搖青天甚。近風逾驕。  
吹墮彼山良足豪。自是造物巧布置。忽遠忽近眩人意。故鄉回首青山多。相見相見奈爾何。

昨宿鎮遠館舍風景殊佳惜未留題作一律補之

頓教一宿戀空桑。旅夢猶牽。舞水陽。遠縠碧生谿口渡。斜暉紅上寺門牆。憑誰罨畫攜行篋。無此湖山惜故鄉。祇悵煙雲容易過。雪鴻蹤迹太匆忙。

游飛雲巖

欲陟飛雲巖。先經養雲閣。循閣躋其巔。有屋忽穹若。四石皆倒垂。欲落復不落。蟠如膠。與螭挂如狹。與玃雲氣繚繞之。絲絲結纓絡。別徑旋以登。巖勢頗峻削。一峰一亭懸凌虛。無住著。折而東北行。石梯宛約略數口。何呀然。張吻欲吞嚼。以蓮叩其中大

聲起鐘鏤竹樹交繁迴松杉更蕪鬱離立羣峰前疏密冒翠幕  
非煙亦非雲濃陰正漠漠

渡重安江

微波平到釣魚矼除渡重安一道江江外羣峰青不了碧煙如  
靄撲與窗

由新橋至陽寶山

虧蔽爭陰陽兩崖屹相向有澗穿其間有橋跨其上瀑布三折  
來漱石逾流宕傾瀉輸銀河奔逐散雪浪流入魚梁江澹若碧  
煙漾循途漸梯登茲游實奇刲四五里一盤愈盤意愈壯山半  
招羣峰詭怪各異狀堂密森周廬舒卷列步障高者欲並雄卑  
者不敢抗遼固環以朝近亦揖而讓孤與山四鄰彌我左右望  
恍置几席間清玩一一餉復有界道流瀉自最高嶂聒彼廣長

舌破此祕密藏耳目相與謀心神益以曠何處尋禪關雲外裏  
梵唱

白水河觀瀑布

白水河蘊黔山中數折而來勢屢變以石束水水愈驕滿天飛  
雪攢幽澗兩三里許屈曲行緣壁斗落疾於箭濃者鋪雲薄者  
縣裏者飛絮捲者練朝簾暮簾無所鉤大珠小珠落如串冷然  
冰柱懸條條素若飈輪挖片片橫飛側舞如盤螺奔影騰光儼  
閃電餘波靡作跪地絲漬沫漫集冽節霰濛蒙化作煙與雲蕩  
入水面倏不見獠狔數家藏山凹幾椽茅屋時隱現參差修樾  
叢篁中縷縷煙生正午爨終朝飽食一事無但對銀河落天半  
揭曉後呈心畬同年並柬同考諸君二首

其拜

恩綸出

帝都相親相近復相嚮  
寬裳舊詠懷同日驄馬新歌聽九衢差  
喜崑山留序王元<sub>卷爲心</sub>定尙愁洱海有遺珠好將楚水黔山路

爲春聯吟並響圖

一笑青雲竟得梯那知勘校費然黎曾經蠟炬三條盡敢對鴻  
篇五色迷環黃可能歸鐵網羣公難得刮金鏡驪駒唱罷恩恩  
別莫怪征鴻戀雪泥

歸程雜詠二十首

重陽節後雨酸漁山路何堪滑滑泥歸客正愁行不得鷓鴣嗚  
上鷓鴣嗚

行過棠梨路幾灣青谿洞底掩禪關袖中斂得玲瓏石歸置書  
牀茗蓋間

蛾鄙堪外有沿谿短筍回欄一簇齊飲潦吸光無箇事應將風景付詩題

白水河頭望水亭終朝瀑布不曾停問渠何事忙如許流徧長汀復短汀

雲擁牟珠黯不開洞前容我小徘徊薄寒天氣風初峭領略清涼世界來

老樹婆娑倚館門馱鈴聲歇銚煙昏竭來細雨黃絲驛郤憶明波白紺村

漁梁江隔幾疏林新得佳名號響琴到此盡刪絲與竹天然流水是知音

飛雲巖閣臺重登比較前游更上層尚有文成碑碣在戈鋒波磔盡陵嶒

跔跔飛鳶霧未收行人悵望大壺頭明珠薏苡悲何限苦憶平  
生馬少游

吟魂落拓更誰招風雅而還此獨豪太息女蘿山鬼夜荒寒古  
驛讀離騷

漢廷才調本無雙誰使愁懷託楚莊歸卧故山悲濩落後來更  
有賈長江

征裘寒意漸淒兢正是湖流乍試冰三五點星一鉤月行人今  
夜宿江陵

冬深雲物迥高臺聽唱銅鞮曲正哀一片黑雲捲天外襄陽城  
上野鷹來  
卧龍岡外路參差葉墮空林有賸核恩促一鞭殘照裏何人來  
拜武鄉祠

幾縷尖風刺骨寒。消流何處問。潺湲秉簡贈芍風。人冒莫作膚家本事看。

土銓煙微閉。驛門辟。寒金藉火爐。溫夢回。又是邯鄲道。今月狂風黯旅魂。

莽莽長天日已收。形雲徧壓樹。西頭依依楊柳知。何在風雪聲。  
中過趙州

側側寒威逼。畫轎道旁時有駕。車招掉頭不問中山酒戶小愁難。勝一蕉。

瑞靄祥煙近

鳳城回頭數徧短。長亭郤逢快雪時。晴後已見來牟滿隴青。迢遞雲山一擔收。卸裝抵得陸金不長吟。短什成何用。浩蕩空爲萬里游。